

# **SANTA AGEDA BEZPERAKO KOPLAK 2017**

## **HASIERA**

ZORION ETXE HONTAKO DENOI  
OLES EGITERA GATOZ  
ATERIK ATE OHITURA ZAHARRAK  
AURTEN BERRITZEKO ASMOZ.  
EZ GAUDE OSO ABERATS DIRUZ  
EZTA ERE OINETAKOZ  
BAINA EZTARRIZ SANO GABILTZA  
TA KANTA NAHI DEGU GOGOZ.

## **2. DENDETAN**

ESKEAN GATOZ, BAINA EZ GERA  
EZ IJITO TA EZ PRAILE,  
SANTA AGEDAK ATERA GAITU  
KALETARA KANTATZAILE.  
DENDA HONETAN KAJOITXO ASKO,  
DENAK GILTZA TA ZERRAILE,  
ESTRAPERLOKO KAJOITIK BOTA  
EURUTXO PARE BAT MILE.

## **4. ETXEKO ANDREARI**

ZELAI ERDIAN LOREAK ARGI,  
LARROS, KRABELIN TA LILI;  
ETXE HONTAKO ETXEKOANDREAK  
AMA BIRJIÑA DIRUDI.  
ETXE HONTAKO URDAIAZPIKO  
ASKO, KAKUTIK ZINTZILIK,  
TA LUKAINKA GORRIAK UGARI  
BOLTA BETETZEKO GURI.

## **6.- GURASOEN BAIMENA (HAURRAK)**

GURASOEN BAIMENA BADUGU  
GAUR ARITZEKO KANTUAN;  
OHITURA HAU BAINO EDERRAGORIK;  
EZ OMEN DAGO MUNDUAN.  
HAREN ITZALA IZAN DEZAGUN  
BETI GURE INGURUAN;  
BERE LAGUNTZA BEHARKO DUGU  
AZTERKETAKO ORDUAN.

## **Oharra: Sta. Águeda Bezperako koplak.**

Otsailaren 4an, larunbata, arratsaldeko 18:00etan, Musika Eskolatik  
kalejira irtengo da eta 45 minutuko iraupena izango du.

(Musika Eskola, Ijurko, Atzekoate, Kale Nagusia, Donibane Kalea eta Plaza).

Euriarekin, Gurutze Santuaren Plazan egingo da.

Baserritarrez, edo arropa ilunarekin (Txapela, zapia eta makila).

## **1. TABERNETAN**

ASPALDI HONTAN URA GARESTI  
DABIL ESNE TA ARDOTAN,  
MAHATS GUTXI IZAN ARREN, ARDORIK  
EZ DA FALTA TABERNETAN.  
JESUSEK URA ARDOTU BAZUN  
KANAANGO EZTAIETAN,  
HORIEN IKASLE AZKARRAK SORTU  
ZAIKIO ARDANGELETAN.

## **3. ETXEKO JAUNARI**

MENDI TONTORRAK ELURREZ ZURI,  
ATAI ALDEAN LAIHOTZA,  
ETXE HONTAKO NAGUSI JAUNA,  
URREZKOA DU BIHOTZA.  
SANTA AGEDAK KENDU DIGU GAUR  
ESKEAN ASTEKO LOTSA,  
DIRURIK EZPADA BERDIN ZAIGU  
GIZENDUTAKO BILDOTSA.

## **5.-LEZOKOGAZTETXOAK (HAURRAK)**

LEZOKO GAZTETXOAK ELKARTUZ  
ORAINTE GOAZ HASTERA;  
ASPALDIKO OHITURA BERRITUZ  
ETXE BATETIK BESTERA.  
KANTA ZAHARRAK BERRI DITZAGUN  
GALDUKO DIRA BESTELA;  
JENDEAK JAKIN DEZAN GAUR DELA  
SANTA AGEDA BEZPERA

## **BUKAERA**

SANTA AGEDA BEZPERA DEGU  
EUSKALERRIKO EGUNA  
ETXE GUZTIAK KANTUZ POZTEKO  
AUKERATUA DEGUNA.  
SANTA MAITEA GAUR HARTU DEGU  
GURE BIDEKO LAGUNA  
HAREN LAGUNTZAZ BETE GENTZAKE  
EGUN HONTAKO JARDUNAK. ¡EUP!